

TERMA DAN SYARAT YANG MENGAWAL KEMPEN “PB eFD melalui FPX”

Kempen “PB eFD melalui FPX” (“Kempen”) ini dilancarkan oleh Public Bank Berhad No. Pendaftaran 196501000672 [6463-H] (“PBB”). Terma dan syarat yang berikut mengawal Kempen ini:-

1. Tempoh Kempen

- 1.1 Kempen ini akan berlangsung dari **1 Mei 2022** hingga **31 Ogos 2022**, [termasuk kedua-dua tarikh tersebut (“Tempoh Kempen”)].
- 1.2 Kempen ini boleh didapati melalui Perbankan Dalam Talian PBe (“PBe”).

2. Kelayakan

- 2.1 Kempen ini terbuka kepada semua pemegang akaun PB e-Deposit Tetap (“PB eFD”) yang baharu dan sedia ada berumur 18 tahun dan ke atas pada waktu penyertaan (“Peserta yang Layak”). PB eFD hanya boleh dipegang oleh satu (1) individu.
- 2.2 Pelanggan yang berikut **TIDAK** layak untuk menyertai Kempen ini:
 - a) Pemegang Akaun Semasa / Simpanan perseorangan konvensional atau Islam (“CASA/CASA-i”) Bersama;
 - b) Kakitangan tetap dan/atau kontrak PBB, Public Islamic Bank Berhad (“PIBB”) dan Public Investment Bank Berhad;
 - c) Pelanggan bukan individu iaitu perkongsian, entiti korporat, persatuan, kelab, sekolah dan pertubuhan;
 - d) Orang yang tidak waras;
 - e) Orang yang telah diisytiharkan bankrap atau mempunyai prosiding guaman dalam apa jua bentuk terhadapnya; dan
 - f) Orang yang akaunnya dipegang oleh PBB/PIBB culas atau tidak disenggara dengan memuaskan seperti yang ditetapkan oleh PBB/PIBB.

3. Mekanisme Kempen

- 3.1 Produk yang Layak di bawah Kempen ini ialah **PB eFD*** (“eFD”)
* Dilindungi oleh Perbadanan Insurans Deposit Malaysia setakat RM250,000 bagi setiap pendeposit.
- 3.2 Tertakluk pada terma dan syarat ini, Peserta yang Layak berhak untuk menikmati kadar faedah promosi seperti yang dinyatakan di bawah jadual ini untuk peletakan eFD mereka melalui pindahan daripada bank lain melalui Financial Process Exchanges (“FPX”) semasa Tempoh Kempen ini.

Untuk tempoh kempen dari 1 Mei 2022 hingga 7 Julai 2022:

Tempoh	Kadar Faedah Promosi (% setahun)
6 Bulan	2.30
9 Bulan	2.35
12 Bulan	2.40

Untuk tempoh kempen dari 8 Julai 2022 hingga 31 Ogos 2022:

Tempoh	Kadar Faedah Promosi (% setahun)
6 Bulan	2.70
9 Bulan	2.75
12 Bulan	2.80

FPX adalah kaedah pembayaran selamat dalam talian yang memudahkan pindahan dana antara bank, dipermudahkan oleh Payment Network Malaysia Sdn. Bhd. (“PayNet”). Butiran lanjut boleh dibaca oleh Peserta yang Layak melalui <https://www.paynet.my/business-fpx.html>

- 3.3 PB eFD Peserta yang Layak mestilah dirangkaikan dengan CASA / CASA-i perseorangan Peserta yang Layak untuk tujuan peletakan eFD, bayaran faedah dan pengeluaran eFD (“CASA yang Ditentukan”). Bagi mengelakkan keraguan, hanya CASA / CASA-i terpilih seperti yang ditetapkan oleh PBB dari semasa ke semasa boleh dipilih sebagai CASA yang Ditentukan.

- 3.4 Bagi peletakan melalui pindahan dana FPX, amaun deposit maksimum bagi setiap urus niaga adalah berdasarkan kepada had yang diizinkan oleh PBB atau had yang diizinkan oleh dan ditetapkan dengan bank-bank yang berkenaan berkaitan dengan pindahan sedemikian, mana-mana yang lebih rendah. Apa-apa bayaran faedah atau pengeluaran eFD akan dikreditkan ke dalam CASA yang Ditentukan.
- 3.5 Peserta yang Layak adalah dibenarkan untuk membuat beberapa peletakan melalui FPX tertakluk pada peletakan minimum dan maksimum, butir-butir adalah seperti yang berikut:

Peletakan eFD	
Minimum (RM)	Maksimum (RM)
5,000 (bagi setiap peletakan)	2,000,000 (bagi setiap akaun eFD)

- 3.6 Kadar faedah promosi tersebut hanya boleh disediakan bagi peletakan eFD menggunakan pindahan dana FPX melalui PBe semasa Tempoh Kempen, dari enam (6) pagi hingga sebelas (11) malam, tujuh (7) hari seminggu atau semasa waktu yang ditetapkan oleh PBB di PBe.
- 3.7 Peletakan eFD melalui FPX adalah untuk **peletakan selama 6 bulan, 9 bulan atau 12 bulan sahaja**. Kadar faedah promosi hanya diterima pakai untuk satu (1) pusingan sahaja. eFD akan diperbaharui secara automatik selama tempoh 6 bulan, 9 bulan atau 12 bulan pada kadar kaunter semasa PBB dengan faedah eFD ditambah pada amaun pokok atau dikreditkan dalam CASA yang Ditentukan Peserta yang Layak apabila matang.
- 3.8 Faedah dikira berdasarkan bilangan hari sebenar.
- 3.9 Apabila matang, faedah eFD akan ditambah pada amaun pokok atau dikreditkan dalam CASA yang Ditentukan Peserta yang Layak menurut peraturan operasi biasa PBB bagi pengkreditan faedah eFD dalam CASA yang Ditentukan.
- 3.10 Pengeluaran PB eFD hanya boleh dilakukan melalui PBe. Jumlah pokok dan faedah diperoleh daripadanya (jika ada) hanya boleh dikreditkan secara automatik dalam CASA yang Ditentukan.

3.11 **Peletakan deposit di bawah Kempen ini yang dikeluarkan sebelum matang, tidak layak untuk mendapat apa juga faedah.**

Syarat di atas akan terus diterima pakai apabila peletakan eFD diperbaharui.

3.12 Pengeluaran sebahagian peletakan eFD **tidak** dibenarkan.

3.13 Kempen ini **tidak** sah dengan mana-mana produk promosi atau kempen yang ditawarkan serentak oleh PBB.

3.14 Apa-apa peletakan yang dibuat dalam eFD di bawah Kempen ini tidak dibenarkan untuk dicagarkan untuk apa-apa overdraf atau apa-apa kemudahan atau pembiayaan yang lain.

4. Terma dan Syarat Am

4.1 Dengan mengambil bahagian dalam Kempen ini, Peserta yang Layak bersetuju untuk terikat dengan terma dan syarat ini dan terma dan syarat yang mengawal eFD dan terma dan syarat yang mengawal CASA/CASA-i (termasuk apa-apa pindaan, perubahan dan/atau semakan semula terma dan syarat berkenaan). Sekiranya terdapat ketakseragaman antara terma dan syarat ini dengan terma dan syarat yang mengawal eFD serta terma dan syarat yang mengawal CASA/CASA-i, terma dan syarat ini akan diterima pakai bagi tujuan Kempen ini.

4.2 Peserta yang Layak mengakui dan bersetuju bahawa rekod urus niaga yang disenggara oleh PBB, dan keputusan PBB berkaitan dengan Kempen ini adalah muktamad, konklusif dan mengikat ke atas mereka. PBB tidak akan melayani apa-apa rayuan atau surat-menyurat daripada mana-mana Peserta yang Layak dan/atau pihak ketiga.

4.3 Peserta yang Layak bersetuju dan memberi keizinan kepada PBB untuk memproses, mengumpul, menggunakan dan menyimpan semua maklumat mereka yang berkaitan dengan eFD, CASA/CASA-i bagi tujuan Kempen ini.

4.4 PBB tidak akan dipertanggungjawabkan atau bertanggungjawab bagi apa-apa bentuk dan apa sekali pun yang timbul atau dialami oleh Peserta yang Layak dan/atau pihak ketiga yang disebabkan secara langsung atau tidak langsung daripada Kempen ini, kecuali ia disebabkan oleh kecuaiian atau salah laku yang disengajakan oleh PBB secara khusus berkaitan dengan Kempen ini.

- 4.5 PBB tidak akan bertanggungjawab bagi apa-apa salah tafsiran atau salah gambaran fakta oleh pihak ketiga yang tidak dibenarkan berkaitan dengan yang ditawarkan oleh Kempen ini dan/atau diterbitkan dalam media massa, bahan pemasaran atau pengiklanan.
- 4.6 Sejauh mana dibenarkan oleh undang-undang, PBB secara nyata mengecualikan dan menolak apa-apa representasi, waranti atau pengesahan, secara nyata atau tersirat, bertulis atau lisan, tanpa pengesahan terhadap apa-apa yang diterbitkan dalam media massa, bahan pemasaran atau pengiklanan, termasuk tetapi tidak terhad dengan apa-apa jaminan kualiti, kebolehdagangan atau kesesuaian untuk tujuan tertentu berkaitan dengan Kempen ini.
- 4.7 Sekiranya terdapat ketidakseragaman antara terma dan syarat ini dengan apa-apa pengiklanan, kempen, promosi, publisiti dan bahan lain yang berkaitan dengan Kempen ini, terma dan syarat Kempen ini akan diterima pakai.
- 4.8 PBB berhak untuk:
- a) membuat penambahan, memotong atau mengubah terma dan syarat ini dari semasa ke semasa, sepenuh atau sebahagiannya dengan memberi notis terlebih dahulu selama dua puluh satu (21) hari kalendar kepada Peserta yang Layak melalui laman web PBB, mempamerkan notis di cawangan PBB atau apa-apa cara sebagaimana yang ditentukan oleh PBB dari semasa ke semasa.
 - b) membatalkan, menarik balik, menggantung atau menamatkan Kempen ini sebelum Kempen ini tamat, sepenuhnya atau sebahagiannya, dengan memberi notis terlebih dahulu selama dua puluh satu (21) hari kalendar kepada Peserta yang Layak melalui laman web PBB, mempamerkan notis di cawangan PBB atau apa-apa cara sebagaimana yang ditentukan oleh PBB dari semasa ke semasa. Bagi mengelakkan keraguan, apa-apa pembatalan, penarikan balik, penggantungan atau penamatan tersebut tidak akan melayakkan Peserta yang Layak untuk apa-apa tuntutan atau ganti rugi terhadap PBB bagi mana-mana atau semua kerugian atau ganti rugi yang ditanggung atau dialami oleh Peserta yang Layak.
 - c) menyemak semula kadar faedah promosi di bawah Kempen ini dengan memberi notis terlebih dahulu kepada Peserta yang Layak melalui laman web PBB, mempamerkan notis di cawangan PBB atau apa-apa cara sebagaimana yang ditentukan oleh PBB dari semasa ke semasa.
- 4.9 Terma dan syarat ini akan dikawal dan ditafsir menurut undang-undang Malaysia, dan Peserta yang Layak bersetuju untuk mematuhi bidang kuasa bukan eksklusif mahkamah di Malaysia.

- 4.10 Peserta yang Layak boleh membaca Notis Kerahsiaan PBB yang menyatakan bagaimana PBB menggunakan maklumat mereka melalui www.pbebank.com atau mana-mana cawangan PBB.

Ruang Selebihnya Pada Muka Surat Ini Sengaja Dibiarkan Kosong
